

牧

津

牧津卷之二十二目

祇躬

吳隱之

李恂

羊茂

辛衡

謝護

鄧攸

胡威

孫謙

沐並

高慎

趙軌

孔覲

王暢

傅昭

陸

續

二見

洪

矩

江秉之

檀

敷

周鎮

褚

炫

褚瑤

時

苗

蔡樽

何

遠

樂法牙

二見

裴

潛

二見

庾華

王洪軌

房恭懿

沈文秀

劉讓惠

羊敦

王思政

二見

星甫無疑

裴寬

王禹偁

包拯

凌冲

畢仲游

申徽

祝天貺

馮履謙

魏中孚

王璡

李白

戴鵬

范希正

胡壽安

王勳

衡世瞻

吳廉

牧津卷之二十二

砥躬

明山陰祁承樞解

吳隱之

吳隱之爲廣州刺史。此地包帶山海，珍異所自一篋之寶，可資數世。前後刺史遂多請贍，求至州二十里。地名石門，有水曰貪泉。飲者懷無厭之欲。隱之旣至，語所親曰：「不見可欲，使心不亂。」越崖喪廉，吾知之矣。乃至泉所，酌而飲之。因賦詩曰：古人云此水，一歃懷千金。試使夷齊飲，終

當不易心。在州逾厲清操。惟帳器服皆付外庫。
常食不過菜與乾魚。及歸。妻鑑氏。賣沉香一片。
隱之見之。卽投於湖。復爲晉陵太守。妻自負薪
入爲左衛將軍。冬月無被。嘗幹衣。乃披絮。勤苦
同於士庶。後爲度支尚書。以竹蓬爲屏風。坐無
氈席。

一篋可資數世。隱之終不易心。沉香一片。
何足爲累。總之不見可欲。使心不亂。意在
斯乎。

李恂

李恂拜兗州刺史以清約率下常席羊皮衣服被後徵拜謁者使持節領西域副校尉西域殷富多珍寶諸國侍子及督使賈胡數遺恂奴婢宛馬金銀香罽之屬一無所受後歸鄉里潛居山澤結草爲廬獨與諸生織席自給詣洛陽時歲荒司空張敏司徒魯恭等各遣子饋糧悉無所受徙居新安關下拾橡實以自資

清操一如刺郡至拾橡實以自資傷哉貧

也。

羊茂

羊茂爲東郡太守。冬坐白羊皮。夏處丹板榻。常食乾飯。出界但具鹽豉。

苦節不可貞。

辛術

辛術爲東徐州刺史。淮南經畧使朝廷以犯辟。郡守貲財及奴婢百口。盡賜術。三辭不許。術乃送詣所司。不復以聞。邢邵聞之。遺術書曰。昔鍾

離意云，孔子忍渴於盜泉，便以珠珍委地，足下今能如此，可謂異代一時。

真足廉頑。

謝護

謝護爲東陽內史，及還，五官送錢一萬，止留一百，曰：數多劉寵，更以爲媿。

劉寵高處，不在一錢之選，數多未便爲媿，但恐無若耶山中父老之言耳。

鄧攸

鄧攸爲吳郡守。載米之郡。俸祿無所受。唯飲吳水而去。在郡刑政清明。百姓懽悅。爲中興良守。後稱疾去職。郡常有送迎錢數萬。攸去郡不納一錢。百姓數千人。留牽攸船。不得進。攸乃少停夜中發去。吳人歌之曰。統如打五鼓。雞鳴天欲曙。鄧攸拖不留。謝今推不去。

伯道棄兒若塵土。自是殘刻人。清亦何足言。惟爲政大得民心。又清而不刻。不知何以能徇行逆施乃爾。

胡威

胡威字伯武，一名龜。父質爲荊州刺史，以忠靖著稱。威自京都定省，家貧無車馬童僕，自驅驢單行。旣見父，停廄中十餘日，告歸。父賜絹一匹爲裝。威曰：大人清高，不審於何得此。絹質曰：是吾俸祿之餘，以爲汝糧耳。威受之辭歸，帳下都督先請假還家，未發，陰資裝於百餘里，要威爲伴。每事佐助，行數百里。威疑而誘問之，旣知，乃取所賜絹與都督，謝而遣之。後以白質，質杖都

督一百，除吏名。其父子清慎如此。威由是著名。遷徐州刺史。後入朝。武帝語及平生。因歎其父清謂威曰。卿孰與父清。對曰。臣不如也。帝曰。卿父以何爲勝耶。對曰。臣父清恐人知。臣清恐人不知。

胡伯武父子砥行。足表頽風。但帳下都督之陰爲資裝。威旣不能早覺。而賜絹謝遣。則亦已矣。質且杖而除其名。吾猶以其清愚人不知也。

孫謙

孫謙爲錢塘令。御煩以簡。獄無繫囚。及去官。百姓以謙在職不受餉遺。道載縑帛以送之。謙固辭。謙每官去。輒無私宅。借空車廄居焉。謙自少及老。歷二縣五郡。所在廉潔。居身儉素。床施蓬篠屏風。冬則布被莞席。

居官若欲盡職潤屋潤身。原非所有。如此乃成其居身儉素。

沐金

沐並少爲名吏。有志介，嘗過姊，姊爲殺雞炊黍，而不留也。爲人公果，不畏強禦。責初中，爲成臯令。校事劉肇出過縣，遣人呼縣吏某索橐穀，見未辨，肇入，從入並之閣下，响呼罵吏，並怒，因躡履提刀而出，多從吏卒，欲收肇。肇覺知，驅走，具以狀聞。有詔，肇爲牧司爪牙吏，而並欲收縛，無所忌憚。自恃清名邪，遂收欲殺之，得減死刑，竟復吏。由是放散十餘年，至正始中，爲三府長吏。時吳使朱然、諸葛瑾攻圍樊城，遣船兵於峴山。

東研材。祥柯人兵作食。有先熟者呼後熟者言
共食來。後熟者答言不也。呼者曰汝欲作沐德
信耶。其名流布播於異域如此。爲長吏八年。出
爲濟陰太守。召還拜議郎。年六十餘。自慮身無
常豫。作終制戒。其子以偷葬至嘉平中。病甚。臨
困。又敕豫掘墮戒氣絕。令二人舉屍卽墮絕哭。
泣之聲止。婦女之送禁祭弔之賓。無設粟米之
奠。又戒後亡者不得入藏。不得封樹。妻子皆遵
之。

德信是好○奇○人○故○始○之○收○聲○似○任○氣○而○後○之○戒○子○似○詭○激○詔○書○所謂○自○恃○清○名○乃○其○定○評○

高慎

高慎歷東萊太守。其妻謂曰：「君累爲宰守，何不爲蓄以遺子孫？」慎曰：「吾之勤苦，以清名爲基。以二千石遺之也。」

清名爲基，躬範可遺後世。第不當有意立名耳。

趙軌

趙軌少好學，有行檢。其東隣有桑椹落其家，軌遣人悉拾還其主。戒諸子曰：「吾非以此求名，意者非機杼物，不願侵人。汝等宜以爲戒。」隋文受禪，爲徐州別駕。考績令入朝，父老揮涕曰：「別駕在官水火不與百姓交，是以不敢以杯酒相送。」公清如水，請酌一杯水奉餞，軌受飲之，復爲原州司馬。夜行，其左右馬逸入田中，暴人禾。軌駐馬待明，訪知禾主，酬直而去。原州人吏聞之，莫

不改操

名檢須自矜肅、還落棋、酬暴禾、軌雖慄慄乎有意以修名、然亦可爲苦心矣、非機杼物不願侵人、斯言良可思法、

孔覲

孔覲少骨鯁有風力以是非爲已任口吃好讀書早知名歷位御史中丞江夏內史性真素不尚矯飾覲弟道存從弟徽頗營產業二弟請假東還覲出渚迎之輜重十餘船皆是綿絹紙席

之屬。覲見之，僞喜曰：「我比乏，得此甚要。」因命置岸側。既而正色謂曰：「汝輩忝預士流，何至還東作賈客邪？」命燒盡乃去。覲後爲司徒左長史。道存代覲爲江夏內史。時東土大旱，都邑米貴，一斗將百錢。道存慮覲甚乏，遣吏載五百斛米餉之。覲呼吏謂之曰：「我在彼三載，去官之日不辨有路糧。郎至彼未幾，那能得此米耶？」可載米還彼。吏曰：「自古未有載米上水者。」都下米貴，乞就貨之。不聽。吏乃載還。永光元年，遷侍中。後爲尋

陽王右軍長史行會稽郡事

孔思遠是眞率人而必欲載米還道存非直過矯亦以不如此不足服其焚燒輜重之心耳○孔公如此刻厲人乃世稱其一月二十九日醉勝他人二十九日醒楊秉三不惑公不免其一矣豈以引人着勝地乎

王暢

王暢爲南陽太守郡中豪族多以奢靡相尚暢

常布衣皮褥車馬羸敗以矯其敝同郡劉表從暢受學進諫曰夫奢不僭上儉不逼下循道行禮貴處可否之間蘧伯玉恥獨爲君子府君不希孔子之明訓而慕夷齊之末操無乃皎然自貴於世乎暢白昔公儀休在魯拔園葵去織婦孫叔敖相楚其子披裘刈薪○其一也本之達以約失之鮮矣聞伯夷之風者貪夫廉懦夫有立志暢雖不德敢慕遺烈

矯弊不可無奇行暢欲以太守挽奢靡之

俗自不得不過於刻勵。然劉表之言更爲近道。

傅昭

傅昭爲安成內史。郡自宋來，兵亂相接，府舍稱凶。每昏旦間，人鬼相觸，在任者鮮以吉終。及昭至，有人夜見甲兵出曰：「傅公善人，不可侵犯。」乃騰空而去。有頃，風雨忽至，飄郡廳事入隍中。自此郡遂無患。咸以昭貞正所致。郡溪無魚，或有暑月薦昭魚者。昭旣不納，又不欲拒，遂餒於門。

側遷臨海太守郡有密巖前後太守皆自封固專收其利昭以周文之固與百姓共之大可喻小乃教勿封縣人嘗餉粟置絹於簿下昭笑而還之昭所蒞官嘗以清靜爲政不尚嚴肅居朝廷無所請謁不蓄私門生不交私利終日端居以書記爲樂子婦嘗得家餉牛肉以進昭昭召其子曰食之則犯法去之則不可取而埋之其居身行已不負闇室類如此昭少時於朱雀航賣曆日雍州刺史袁顥見而奇之顥嘗來昭所

昭。讀書自若。神色不改。顛嘆曰。此兒神情不凡。
必成佳器。後爲丹陽尹。袁粲主簿。粲每經昭戶。
輒嘆曰。經其戶。寂若無人。拔其室。其人斯在。豈
非名賢。

清曠之度可以函蓋一世。然餚魚與埋肉。
則近於蹊刻矣。

陸續

吳郡陸續爲鬱林太守。歸過洞庭湖。舟輕載黃
石。壓之。謂之廉石。

舟輕載石、自是賢太守佳話、然當時洪矩以廬江守而載土寶船、江革從會稽還而實以西陵之石、則廉石不獨在績矣、

洪矩

洪矩吳時爲廬江太守、清儉徵還、船輕皆以載土、

載土亦大費人力、

江秉之

江秉之宋少帝時爲烏程令、以善政著名東土、

徵爲建康令、爲政嚴察、部下肅然、後爲山陰令、
以在縣有能、出補新安太守、元嘉十二年、轉在
臨海、並以簡約見稱、卒於官所、所得秩祿悉散之
親故、妻子常饑寒、人有勸其營田、正色荅曰、食
祿之家、豈可與農人競利、在郡作書案一枚、去
官、留以付庫。

三爲令、兩爲太守、寬嚴簡約、各見其長、書
寄之留、不足爲公稱美事、○親故旣當沾
惠、妻子獨當饑寒乎、施由親始、此語可念。

檀敷

檀敷舉方正，對策合時宜。再選議郎補蒙令以
郡守。非其人棄官去，家無產業。子孫同衣而出。
敷少爲諸生時，家貧而志清，不受鄉里施惠。舉
孝廉連辟公府，皆不就。立精舍教授，遠方至者
常數百人。

以郡守非人，輒至棄官，便是奇士。但家貧
志清，有何物力可立精舍？抑豈門人所立
者乎？

周鎮

周鎮清約寡慾。所在有異績。罷臨川郡還都。未及上注。泊清溪渚。王丞相導往看之。時夏月。暴雨卒至。舫至狹小。而又大漏。殆無坐處。導曰。胡威之清。何以過此。卽啓用爲吳興郡。

罷郡而還。坐漏舟中。行李蕭然。安得所在不有異績。

褚炫

褚炫少清簡。從兄彥回謂人曰。從弟廉勝獨立。

乃十倍於我。建元初出補東陽太守，前後三爲侍中。永明元年爲吏部尚書，居身清立，非弔問不雜交游。及在選部門，庭蕭索，賓客罕至。出行左右常捧一黃紙帽箱，風吹紙剝殆盡，罷江夏郡還得錢十七萬於石頭，并分與親族。病無以市藥，以冠劍爲質。卒無以殯殮，年四十一贈太常，謚貞子。

廉勝獨立，知弟莫如兄。彥回將一家物復予人，視此能無內愧否？

褚瑤

褚瑤爲烏傷令，罷去，單船而歸。故人太子中庶子羊道乞土宜，瑤乃抽船上竹一竿與之曰：「東南之美，惟竹箭，最直而有節。幸堪歲寒。」羊道密令人視之，舟中惟竹笠一枚、蘆席數領，遂啓用瑤爲昭信中郎。

意况自是佳士。

時苗

時苗爲壽春令，始之官，薄輿車，黃犢牛，布被囊。

居官歲餘牛生一犢及去留其犢謂主簿曰令來時本無此犢犢是淮南所生也吏曰六畜不識父自當隨其母苗不聽時人以爲激然由此名聞天下遷爲大官令羊篇歷官清慎育私牛於官舍產犢及遷而留之篇卽太傅祐之兄子封鉅平侯有羊暨爲青州刺史暨牛產犢及遷以官舍所生遺之而去又有王逎爲上洛太守私牛馬在郡生駒犢者秩滿悉以付官云是郡中所產

留贊事見記載凡四當由時苗作俑遂爲千古佳話雖然昔人謂官署育兒亦謂是淮南所生也留之淮南否事果近於矯情要以古人多借事以礪節取其意可也

蔡搏

蔡搏初爲吳興太守不飲郡井齋前自種白莧此亦通事紫荳以爲常餌詔褒其清

不飲郡井則必取之於家鄉將如李衛公之置水過乎過於矯矣嗟乎末世非矯亦

何由得褒其清、

何遠

何遠，梁武帝踐祚時，爲武昌太守。遠本倜儻，尚輕俠。至是乃折節爲吏，杜絕交遊，饋遺秋毫無所受。武昌俗皆汲江水，盛夏遠患水溫，每以錢買人井寒水，不取錢者則撻水還之。其他事率多如此。車服尤弊素，器物無銅漆。江左水族甚賤，遠每食不過乾魚數片而已。後擢爲武康令，愈勵廉節，正身率職人，甚稱之。後擢爲宣城太守。

朱子語類 卷二十一 五
遠盡心綏理復著名迹期年遷始興內史遠在
官田秩奉錢並無所取歲暮擇人尤窮者免其
租調以此爲常所至皆生爲立祠表言政狀帝
每優詔荅焉其清公爲天下第一居數郡見可
欲終不變其心妻子饑寒如下貧者

何義方前俠後廉似有矯矯拔俗之志而
始終一節儉於律已惠於及民不見可欲
使心不變易也見可欲而終不變其心非
識力過人者不能

樂法牙

樂法牙爲建康令、不受俸秩。比去將至百金，懸曹啓輸臺庫。武帝嘉之曰：「居職若斯，可謂百城表矣。」

廉則廉矣，不審建康令舍常奉之外，別取於民乎？抑劇而後可乎？

裴潛

裴潛每之官，不將妻子。妻子貧乏，織藜笪以自供。爲兗州刺史，嘗作一胡床，及其歸也，以床掛

壁而去。

與江乘之留書案之意同，頗近於矯。但之官不將妻子，是第一快事。

庾華

庾華仕齊爲驃騎功曹吏，永明中，使魏和親，還拜散騎侍郎，後爲荊州別駕。前後紀綱皆致富饒。華再爲之清身率下，杜絕請託，布被蔬食，妻子不免饑寒。齊明帝聞而嘉焉，手敕褒美，州里榮之。累遷會稽郡丞，行郡府事。時承凋弊之後，

百姓凶荒，人多流散。華撫循甚有理。唯守公祿清節逾厲。至有經日不舉火。太守襄陽王聞而饋之。華謝不受。

爲郡丞乃至。經日不舉火。廉吏何可爲也。既守公祿。定不應至此。或以不如是清名不立耳。

王洪軌

王洪軌爲晉陽太守。多昧賊賄。爲州所按。大懼。棄郡奔建業。後爲青冀二州刺史。悔前所爲。更

勵清節。州人呼爲虜父。使君言之。咸落淚。
拈此可爲自新者開一法門。

房恭懿

房恭懿性沈深有局量。達於從政。仕齊歷平恩
令、濟陰守、並有能名。會齊亡、不得調。蘇威薦之。
授新豐令。政爲三輔之最。上聞而嘉之。賜物四
百段。恭懿以所得賜分給窮乏。未幾復賜米三
百石。恭懿又以賑貧人。上聞而止之。時雍州諸
縣令每朔朝謁。上見恭懿必呼至榻前訪以理。

人之術蘇威重薦之。超授澤州司馬。有異績。賜物百段。良馬一匹。遷德州司馬。在職歲餘。虛惟復奏恭懿政爲天下之最。上甚異之。復賜百段。因謂諸州朝集使曰。如房恭懿志存體國。愛養百姓。此乃上天宗廟之所祐助。豈朕寡薄能致之乎。朕卽拜爲刺史。豈止爲一州而已。當令天下以爲模範。

恭懿之治三輔。其爲天下最者。史不述其政理之詳。而但敘受賜分惠之槩。要以深

沉有局量人定不止爲清介自守之士

沈文秀

沈文秀初爲郡主簿、稍遷青州刺史、慕容白曜破青州、文秀取所持節衣冠、儼然坐齋內、亂兵入曰、文秀何在、文秀厲聲曰、身是執而輿送於白曜、左右令拜、文秀曰、各二國大臣、無相拜之禮、遂鎖送京師、宥死、待爲下客、顯祖重其節義、稍亦加禮、拜爲外都下大夫、累遷持節平南將軍、懷州刺史、是時河南富饒、人好奉遺、文秀一

無所納、卒守清貧、在州數年、卒持節不拜而竟拜官、蘇武節當不如是廉其小節矣、

劉懷慰

劉懷慰初爲桂陽王征北參軍、父乘民死於義嘉之難、懷慰持喪不食醯醬、冬月不絮衣、養弟妹、事寡叔母、皆有恩義、時太祖欲置齊郡於京邑、議者以江右土沃、流民所歸、乃治瓜步、以懷慰爲輔國將軍、齊郡太守、上謂懷慰曰、齊邦是

王業所基、吾方以爲顯任經理之事、一以委卿。
又手敕曰、有文事者必有武備、今賜卿玉環刀
一口、懷慰至郡、修治城郭、安集軍民、墾廢田
百頃、決沈湖灌漑、不受禮謁、民有餉其新米一
斛者、懷慰出所食麥飯示之曰、旦食有餘、幸不
煩此、因著廉吏論以達其意。

辭一斛新米、何必著廉吏論、但其勤政安
民、望田灌漑、此真廉吏之實政、

羊敦

羊耽性尚閒素學涉書史以父靈引死王事陰
給事中出爲本州別駕公平正直見有非法終
不判署歷遷廣平太守治有能名姦吏跼蹐秋
毫無犯雅性清儉屬歲饑饉家饋未至使人外
尋陂澤採蘿根而食之遇有疾苦家人解衣質
米以供朝廷以其清白賜穀一千斛絹一百疋
蘿根恐其屬有主之物柰何要其公平正
直非法終不判署持執自不可及

王思政

王思政容貌魁梧，有籌策。爲荊州刺史，命都督蘭小歡督工，繕修城塹，掘得黃金三十斤。夜中密送至旦，思政召佐史以金示之曰：「人臣不宜有私，悉封金送上。」周文嘉之，賜錢二十萬。常以勤王爲務，不營貲產。嘗被賜園地，思政出征後，家人種桑果雜樹，及還見而怒曰：「匈奴未滅，去病辭家，况大賊未平，欲事產業，豈所謂憂公忘私耶？」命左右拔而棄之。故身陷之後，家無蓄積。憂公忘私，自然不爲身家計，但思政之不

營家更自有先幾之見

皇甫無逸

皇甫無逸仕隋、歷官右武衛將軍、煬帝遇害、乃與段達立越王侗、及王世充篡、棄母妻、斬關自歸、高祖以無逸本隋勳舊、尊遇之、時蜀新定、吏多橫恣、人不聊生、詔無逸持節巡撫、得承制除吏、既至、黜貪暴、用廉善、法令嚴明、蜀人以安、後出爲同州刺史、徙益州大都督府長史、所至、輒閉閭不通賓客、左右無敢出入者、所須、皆市易。

他境。嘗按郡宿民家，鐙炷盡，主人將續進，無逸抽佩刀斷帶爲炷。其廉介類如此。然過自畏慎，每上表疏，讀數十，猶懼未審，使者上道，追省再三，乃得遣。母是時在長安，疾篤，太宗命馳驛召還，承問憂悸，不能食。道病卒，贈禮部尚書，謚曰孝。

與段達立越王、斬關歸高祖，撫蜀嚴明之政，蜀人以安，則此公非僅僅清謹自持者，何以畏慎之過，一至於此，棄母於先，復不

能迎母於後、聽其久在長安、置之若忘、及
母疾而煩君召、如此而猶謚曰孝、吾所未
解

裴寬

裴寬爲參軍時、刺史韋詭有女、擇所宜歸、會休
日登樓見人於後圃有所瘞藏者、訪諸吏、曰、參
軍裴寬居也、與偕來、詭問狀、答曰、寬義不以苞
苴汙家、適有人以鹿爲餉、致而去、不敢自欺、故
瘞之、詭嗟異、乃引爲按察判官、許妻以女、歸告

妻曰、常求佳婿、今得矣、明日聚其族使觀之、寬時衣碧、瘠而長、旣入、族人皆笑、呼爲碧鶴雀、詭曰、愛其女、必以爲賢公侯妻也、何可以貌求人、卒妻寬、後爲蒲州刺史、州久旱、寬入境、輒雨、徙河南尹、不屈附權貴、河南大治、寬雅性友愛、爲政務清簡、所蒞人愛之、官終禮部尚書、

瘞鹿竟得乘龍雀屏乃收碧鸛韋刺史之具眼、與裴參軍之砥躬、一舉成兩佳事、

王禹偁

王禹偁出守滁州。閩人鄭褒徒步謁禹偁。禹偁愛其儒雅。及別。爲買一馬。或言買馬虧價者。太宗曰。禹偁草繼遷制。送馬五十四匹。以狀不如式。却之。顧肯爲此虧價哉。言者卒不能動。

士人組修。原非一事。可以襲取。生平砥節。能使人主深信。則立朝自有堅立。

包拯

包拯知端州事。端產硯。前守緣貢。率取數十倍。以遺權貴。拯命製者才足貢數。不持一硯。拯雖

卷二十一
三
貴服器飲食如布衣時。嘗曰。後世子孫游宦。有
貪墨者。不得歸宅里。死不得葬大塋中。不從吾
志。非吾子孫也。

不持一硯。不獨孝肅可能也。至遺誠數語。
真欲以清白遺子孫。衾影之間。自當惕然。

凌冲

凌冲爲含山令。一介不取。見歸裝有一砧石。詫
曰。非吾舊時物也。命還之。
砧石大碍行李。然遇鬱林太守。卽取以實。

船矣。

畢仲游

畢仲游爲開封府推官、出提點河東路刑獄。韓
縝以故相在太原、按視如列郡。縝奴告有卒剽
其衣於公堂之側。縝怒、將寘卒於理。仲游曰：「奴
衣服渺薄、而敢掠之於帥牙、非人情也。」取以付
獄治、卒得免。太原銅器名天下、仲游獨不市一
物。懼人以爲矯也、且行買二茶匕而去。縝曰：「如
公叔可謂眞清矣。」

畢公叔自是守正之士。若不市一物。非矯也。瀕行而特買二茶匕。此真近於矯矣。

申徽

申徽爲襄州刺史。時南方初附。舊俗官人皆通銅遺。徽性廉慎。乃畫楊震像於寢食。以自戒。及代還。人吏送者數十里不絕。徽自以無德於人。慨然懷愧。因賦詩題於清水亭。長幼聞之。皆競來就讀。遞相謂曰。此是申使君手迹。並寫誦之。如此砥礪。那得不成廉吏。然亦何必藉楊

震爲戒哉、此與趙清獻欲絕慾而懸父像
於私室者同、要以人生受報有濃淡、不得
不用對治之法耳、

祝天貺

宋城主簿祝天貺、勵已如冰玉、百姓呼爲裹頭
冰、天脫去後、和甄來尉、頗得天貺餘味、加以文
儒、民間語云、去了裹頭冰、却得一段着脚琉璃。

薄尉之廉甚難其人、然民間輿頌、亦當察
其情實、

卷之二

馮履謙

馮履謙、七歲讀書數萬言、九歲能屬文、自管城尉、丁艱、補河北尉、有部人張懷道任河陽尉、與謙疇舊、餉一鏡焉、謙集縣吏遍示之、咸曰、維陽之美者、甚嘉也、謙謂縣吏曰、此張公所致也、吾與之有舊、雖親故不坐、著之章程、吾勸官但以俸祿自守、豈私受遺哉、昌言曰、清水見底、明鏡照心、余之効官、必同於此、復書於使者、乃歸之、聞者莫不欽尚、官至駕部郎中、

故人一鏡、愛却由我、何必鋪張乃爾、此君
大爲名根所累、

魏中孚

魏中孚爲永州判官、清潔自好、同官有興作製器用之物、中孚未能無意、每欲爲之、先令匠作者、計工用若干費、各具公私之數、呈輒判以且休、且休、及解官、檢一任所供、且休、且休、錢不知省、幾千百緡、

仕路中製器、當以此爲法、不惟可以養廉。

且免剥下之累。

王璡

王璡洪武末以賢能薦知寧波府潔廉平易杜私謁革利弊政教兼敷璡自奉儉約一日見饌兼魚肉大怒命撤而瘞之號埋羹太守

埋羹太守意在不兼魚肉則一味亦定不埋尚亦近情

李白

李白爲虞城令官宅舊井水清而味苦下車嘗

之莞爾笑曰、我苦且清、足符吾志、遂沒不改變爲甘泉、蠶丘館東有三柳、往來憇之、飲水則去行路勿剪、以比甘棠。

苦水忽變甘泉、宇宙大矣、何所不有、古人定非欺我、但以跖化夷、古今竟不多見、何耶、

戴鵬

戴鵬洪武初知會稽縣、器度弘深、清修自守、時信國公湯和軍四明、趣郡縣供饋、期限甚嚴、鵬

率民步行往餉、日晡、饑甚、從者進餅餌、固却不受。掬道傍水飲之、一日休于縣廨、忽雷震几案、火焚書牒、左右驚仆、鵬神色自若、徐曰、撲滅之、及秩滿、父老擁塞於道、舟停三日、乃得行。

饑却從者之餅、未足爲清廉、安視震案之雷、真可占器度、

范希正

范希正宣德中、舉賢良方正、拜曹邑令、蒞政嚴明、果斷有方畧、歲乙丑、山東旱饑、大理丞張驥

奉敕撫安先是希正勸借富民粟數萬石選有操行者收賦倉廩是歲賴以活者幾千人驥上章請復設曹州且薦希正爲守上允之初希正爲令時速職民懷其惠爭持金帛贈遺皆不納有里長陳彬伺希正獨居懷金潛入投於地疾趨而出時無吏卒無能追及希正收其金明日出召彬彬懼而逃召其父至庭諭之曰大丈夫不爲昭昭信節不爲冥冥惰行卽領汝子昨暮遺我之金其父赧愧領金而出正統甲子述

職賜璽書獎勞給路費而還及是作守召里老諭曰昔陳彬持金遺予不憚路遠然雖小民之誠終爲私也今予復新州治露坐荆棘汝以予意道之出遺我之金助此公事誠爲義舉耆老道意彬卽應曰我兄弟分異三載前金貯而不分俟侯陞任乃復遺侯今當如命由是與彬同志感其德者莫不慨然樂助有持金來助者希正必會僚屬入之公署學校壇廟靡不營建城池街市靡不區畫規模宏遠制度精密

索却金而治州廝避形跡者必不肯爲此
君名根之淡可知

胡壽安

胡壽安初任信陽調獲鹿永樂中任新繁縣性清儉在官未嘗肉食其子自徽來省兩月烹二雞胡怒曰吾居官二十餘年嘗以奢侈爲戒猶恐弗能全始終之志爾今好大嚼詎不爲吾累乎三載大邑不携妻子之任或曰子之名固美矣柰妻子何胡笑曰此庸人見也吾豈無糟糠

之義而不念乎、嘗於是思爛熟耳、吾輩讀聖賢書、論居官治民之法、孰不欲砥礪名節、以操守爲志、及登仕路、則以耳目玩好聲色之物、敗身家者、比比焉、矧婦人小子輩、其性猶水、有以金珠錦繡搖目之物、蠱其性、彼必欺吾而取之、借使僥倖不露、吾去任後、人必詈笑曰、胡某外佯廉而內實貪、以是計之、故不欲妻子累身也、

亦刻意修名之士、然謂携家便至行賄、則古來廉吏、豈盡無家者乎、人顧自處何如

耳

王動

王動少爲諸生，入太學，銓授涑水知縣。剛正有
守，正德初，中官用事，有歸葬其親，衆闇會葬，所
過州縣競事奔媚。動居縣署，不爲禮。瑾聞之怒，
欲立加顯禍。時中官有家於涑水者，屢以動清
廉爲解。瑾俾遷卒入縣署覘之，室中蕭然，惟衣
帶掛壁，婦子紡績爾。瑾始信其廉，犒以肉帛。動
分給里甲，一無所畱。詭言曰：「令衆感公之惠，時

優伶有進戲御前者，一鬼躍舞於途，諸達官過之，鬼恬不畏。忽傳呼王勳來，鬼亟趨避之。問何故，鬼曰：「官不要錢，神鬼皆怕。」由是勳廉名徹於內廷，且令吏部移文爲天下諸官式。擢知汾州。勳堅持廉操，終始如一。無何去官歸來，躬耕食力，不履城市。幾三十年，始卒。崔文敏公嘗稱王汾州之廉介苦節，不可及。

剛正有守者，何以見知於御前之優人，豈直道在人心，不可泯乎？幸有躬耕食力，三

十年之苦節在、

衡世瞻

衡世瞻岳爲潮州府同知、岳約已惠民、自嘗藜
外、餽遺一無取、嶺南間翕然稱其廉、遷西安府
知府、再補慶陽、益以清白、自勵、民愛之如父母、
僚友諸婦嘗會飲、岳之內子與焉、在席者金鉢
綺繡、爛然、而公內子荆釵布裙而已、旣罷、頗不
樂、岳曰、汝坐於何處、曰、首席、岳曰、旣坐首席、又
要服飾華好、富貴可兼得耶、慶陽人至今以爲

佳話

淺視之。此語若以解嘲，深味之，此言實以
醒世。

吳廉

吳廉授知卽墨縣，蒞官約已黜情專意愛民節用，縣故有供欵悉斥去，額廝隻僕，宴宴斂立，揭書座屏上，與其樂於身，孰若無憂於其心，與其益於家，孰若無損於其民，其子往省之，謂曰：吾有牧任，當勞民勸相，不爲私營，汝母願我爲適

移膠河之役、王者銳甚不能固、庶念民將轉漕
壑、孰不肯發、王者持之嚴、曰、吳知縣頭可合、官
特餘事耳、朝廷命我牧民、可視其就死地乎、又
逋負停積、一時督徵使輸相繹、下益苦之、廉格
不與、其使構激語、謂以木偶人、因爲詩以自歎
曰、老大初更事、疑非木偶人、不應方寸地、時展
一分春、祇自懷其苦、憑誰質贗真、歸田何日擬
斗粟未全貧、遂飄然棄官歸邑、

約已黜情、是此君本色、然執持處、更見骨

牧津

列傳

卷二十二

三

九

牧津卷之二十二 終